

太上三五傍救醮五帝斷瘟儀

則四

太上三五傍救醮五帝斷殛儀

則四

夫人家忽逢天災厄難家口癯疔經一日五日者此是宅舍前後五帝神祇不衛於人及有四方隣里忽被染剔皆是天行疫鬼雲中李子邀張元伯劉元達烏丸鬼等病患人家但是人家若患天行時疫三年內皆再發一度可於醮曆檢定良日求一道士延請就宅若辦得修神呪齋一日兩夜三日三夜若不辦只請一人醮五帝所須色目具列如後

真乳頭香一兩半六爐案六面筆五管墨五

錠五方綵各一段隨方手中五條各長四尺二寸

命祿米五盤每盤一斗二升酒一斗蓋子四隻信錢

五分每分一百二十文紙一束五帖作錢財醮盤

四十分餅餸胡桃乾棗乾茅香湯一椀燈

則四

十二盞桃牌六枚各長一尺一寸闊二寸

師位居北叩齒三十六通了入壇解

稿

次禁鬼門

次衛靈呪

次發爐

弟子裝束冠帶如法於齋壇前虔誠告祝
設拜捻香以俟通感

維某年某月某朔某日洞淵弟子臣某等謹
爲弟子某甲上啓

上請東方青帝靈威仰勾芒君青帝夫人降
下

上請南方赤帝熒弩祝融君赤帝夫人降下
上請西方白帝招矩少昊君白帝夫人降下
上請北方黑帝叶光紀玄冥君黑帝夫人降

下

上請中央黃帝含樞紐軒轅君黃帝夫人降

下

上請五帝之子五帝之孫典籍功曹司命司
錄好生司馬大神解穢主者左右尚書前後

則四

僕射延壽玉女長吏司空注年博士上下大

夫虛無小吏削死定生君解衰脫厄君保命

益算君治病下藥君浮雲使者君雷師電師

君四州九谷君河上仙官江湖玉女君吞魔

食鬼君收殞食鬼君斬鬼破鬼君掃蕩不祥

安隱六腑君移名定籍君各各諸座歆饗微
禮符告上下關啓天地大神五帝仙官并及
此間土地真官九江水帝十二溪女河伯水
官地下七神土地之主五嶽四瀆護人長吏
加算主者左右傳吏解罪之君一切神靈各
各執持玉板聽臣口中詞語今有弟子某家
累年已來居止不利人口瘦疔死亡非一經
營不遂官職不遷所願不從災厄妄生卜決
憂忌皆見八方四面並有下官故炁疫癘鬼
兵八部魔邪暴害良善門門唯聞哭死之響

不聞雅樂之音大小哀哉枉遭者衆耳聞目
見非是吉祥某等日夜驚惶無方投趣伏聞
老君設教授與仙真下傳凡俗大解妙法殺
鬼生人今於當處結壇奉獻酒脯祠五帝之
具占得九章今日吉良宿得天倉明如日月

則四

三

比於三光百味雜饌不敢先嘗清酒淨脯甘
美甚香帝君受饗賜福無量七祖生天解釋
禍殃逍遙雅樂位等仙王生人富貴子孫滿
堂三十六代及以先亡昇入南宮長樂福鄉
去離三塗免墮鑊湯長辭劔樹寒冰鐵床不

見銅柱牛頭阿傍瘟疫疾病萬代消亡收攝
百鬼施於太陽災害解散永保吉昌五帝之
主萬神之王消滅惡業知其柔剛暉生枯榮
言成雪霜能使官災消散疾病去床能使春
秋冬夏上下玄黃能使四時節炁天圓地方
動作自然五色玄黃三明六律七柔八剛造
作人形無暗不照無明不光北斗七星布置
諸宿角亢氐房心尾箕配屬東方井鬼柳星
張翼軫配屬南方奎婁胃昂畢觜參配屬西
方斗牛女虛危室壁配屬北方魁魁魁魁魁

魘配屬中央五行推節寒熱溫涼使金剋
木木自折傷使木剋土土自潛藏使土剋水
水不流行使水剋火火自無光使火剋金金
自消亡打考戮鬼鬼走遠方療治疾病立即
自康規覓求官宜奉公王使神安宅宅如金

剛使符指鬼鬼即滅亡使神斬邪邪自破傷
使神治病病人去床使神防衛行者吉昌使
神安墓子孫滿堂使神耕種五穀滿倉使神
斷病來者不當天有九章人有惡業棄與八
荒蕩除街巷村陌并及弟子某宅內瘟疫斑

黃自家親之外速去遠方屯營百鬼之帥捉
搦付與鑊湯吞噉精魅五體消亡老君口勅
誅斬不祥何神能住何鬼敢當帝君降下萬
歲吉昌行來出入五神扶匡宮災解散鬼賊
潛藏弟子再拜

則四

四

次上香 上茶 上酒

謹啓五帝君等若有邪精五瘟鬼炁或復藏
形隱影變化百端盤停不去者

上請五噉大將軍降下放大威力口吐神火
燒鬼頭破然鬼身形滅其根種急急一如女

青詔書律令某七代已來逮及今身所造故
違無數重罪賜乞原除某上祖父母生存所
犯東方十惡五逆之罪不蒙解釋者

上請角亢氐房心尾箕甲乙寅卯辰君主爲
某解釋悉令原除某生存所犯南方十惡五
甲

逆重罪不蒙解釋者

上請井鬼柳星張翼軫巳午未丙丁君主爲

某解釋悉令原除某生存所犯西方十惡五

逆重罪不蒙解釋者

上請奎婁胃昂畢觜參申酉戌庚辛君主爲

其解釋悉令原赦某生存所犯北方十惡五
逆重罪不蒙解釋者

上請斗牛女虛危室壁亥子丑壬癸君主為
其解釋悉令原除某生存所犯中央十惡五
逆重罪不蒙解釋者

則四

五

上請中斗七星魁魁魁魁魁主為弟子
其解釋悉令原赦若春之三月有青殭青疫
行病之鬼因木王相欲行毒藥傷害良善者
上請西方白帝君主為弟子斬殺之不得妄
行毒害若夏之三月有赤殭赤疫行病之鬼

因火王相欲行毒藥傷害良善者

上請北方黑帝君斬殺之不得妄行毒害若
秋之三月有白殭白疫行病之鬼因金王相
欲行毒藥傷害良善者

上請南方赤帝君斬殺之不得妄行毒害若
冬之三月有黑殭黑疫行病之鬼因水王相
欲行毒藥傷害良善者

上請中央黃帝君斬殺之不得妄行毒害若
四季之月有黃殭黃疫行病之鬼因土王相
欲行毒藥傷害良善者

上請東方青帝君斬殺之不得妄行忤犯斷
除一切群邪悉令伏匿方得天下太平鬼神
不起風調雨順萬民安樂仰被重恩弟子再
拜

次上香 上酒

上啓五帝君等弟子叩頭稽顙賜乞一生一
活一度一脫所有深重災厄至于某邊願爲
度災安魂定魄防衛性命救治疾病唯願肉
人闔家大小等身或受年窮算盡之厄橫因
上計願爲解除轉更注年延生保命若有天

羅地網纏繞軀體未蒙解脫各請帝君速爲
斬截一切邪精願令消滅若有百鬼妄生拘
錄肉人家口男女鬼神不安者重請五方斗
中延命君安生君去死君來生君迎鬼附魄
悉爲扶拔鬼神將附身體之中調和六府東
則四
斗請爲延算西斗請爲記名北斗請爲落死
六
南斗請爲上生主爲安鬼司命更賜益算延
壽星官請爲消除死簿定上生名若有天上
地下凶逆之鬼滯在某家村中巷陌門前戶
後窺求血食欲行凶傷

上請三五大將軍官吏將十萬人收魔食鬼
唯願降下

上請三五收殛食殛大將軍官將十萬人降

下

上請三五收疫大將軍官將十萬人具官降

下

上請三五收注大將軍官將十萬人具官降

下

上請收精食精大將軍官將十萬人具官降

下

上請收邪食邪大將軍官將十萬人具官降

下

上請收毒食毒大將軍官將十萬人具官降

下

上請收魅食魅大將軍官將十萬人具官降

則四

七

下

上請收凶食凶大將軍官將十萬人具官降

下

上請五方五帝斬鬼大將軍官將十萬人降

下主為某甲家同心併力收攝村中巷陌家中

宅內行客魍魎之鬼伏屍刑殺之鬼次收門
戶井竈之鬼次收五虛六耗凶吹惡逆之鬼
次收童男童女之鬼次收殃殍土長之鬼次
收獨歌自舞喜笑之鬼次收蠱毒野道之鬼
次收山精崖石百魅之地次收八部行病之
鬼次收喚人魂魄之鬼次收各有名字之鬼
次收明公石碇之鬼次收無名脫籍之鬼次
收樹下犬子之鬼次收夜行凶逆之鬼次收
山林社稷惡逆淫祠之鬼次收天下四鎮死
將之鬼次收刀兵軍陣無頭無手之鬼次收

吳王子胥之鬼次收赤眉盜賊之鬼次收三
王五霸敗軍死將之鬼次收下痢膜腫之鬼
次收魯丁斑黃轉筋聲咳吐逆之鬼次收雲
中李子邀千精萬魅之鬼次收搖鈴吹角呼
喚之鬼次收縊死之鬼次收落水之鬼次收
羌獠之鬼次收六夷之鬼次收胡狄蠻戎之
鬼次收東方青注之鬼次收南方赤注之鬼
次收西方白注之鬼次收北方黑注之鬼次
收中央黃注之鬼次收絕戶之鬼次收異病
卒死之鬼次收白禿癩病之鬼次收瘡膿臭

穢之鬼次收市死斬頭絞刑之鬼次收烏鵲
亂鳴惡音之鬼次收飢寒凍死之鬼次收藏
形隱影之鬼次收口舌妄語之鬼次收六畜
之鬼次收厭人魂魄之鬼次收白骨不葬之
鬼次收新死破射取人之鬼次收鼠頭人身
之鬼次收牛頭人身之鬼次收則四頭人身之
鬼次收兔頭人身之鬼次收龍頭人身之鬼
次收蛇頭人身之鬼次收馬頭人身之鬼次
收羊頭人身之鬼次收猴頭人身之鬼次收
狗頭人身之鬼次收猪頭人身之鬼

右此鬼不承大道盟威禁律之命專在人間
行其惡毒令人遭官遇禍疾病死亡非所道
理非五帝之君天官一一仰憑次收討反縛
逆鬼付與都市一切絞刑滅其根種願令天
下清寧萬民安樂五穀滋盛闔家大小鬼魄
或閉在天地水三官百鬼牢獄之中不蒙解
脫者或爲百鬼繫繫者請五方五帝七星之
君壽命君延命君解厄治病君却死來生君
保命衛護君主爲甲某安魂定魄司命延年益
算七星消除死籍

東方青色衰厄從今消滅青殞鬼炁應時斷

絕 南方赤色衰厄從今消滅赤殞鬼炁應時斷

絕 西方白色衰厄從今消滅白殞鬼炁應時斷

則四

九

絕 北方黑色衰厄從今消滅黑殞鬼炁應時斷

絕 中央黃色衰厄從今消滅黃殞鬼炁應時斷

絕

今日值建所請依願福慶巍巍更無所恨
今日值除請福之後災禍消除鬼賊殄滅福
慶有餘

今日值滿與帝為伴任意從容萬事欣喜
今日值平福有餘慶神來降駕所願皆成

今日值定天地同慶神靈飽滿合家無病
今日值執百福臻集富貴忻歡無有厭忌
今日值破却除罪過神來降福消災却禍靈
祇降駕福祿更多

今日值危永保無為祈恩已後所願皆遂

今日值成男女長生錢財聚集五穀豐盈
今日值收戶戶無憂黃金入宅代代不休
今日值開仙官並來真炁覆蔭不見禍災
今日值閉百鬼消滅住宅清寧鬼神伏歇

次上酒 行香

重啓五帝七星君等臣所請仙官及同侍從
當預坐者普願歆饗降福重於太山消災迅
如電散福逐神來天神降重應感斯須拜謝
既周行觴已畢詞不再陳言無所重龍車整
轡神馬急備來如雲奔去如風雨迎神千里

送神不起自東自西各還官府後有祈請別
賜垂臨臣及弟子誠惶誠恐稽首再禮奉辭

次送神讚

次十二願

次學仙讚散如常儀

則四

+

太上三五傍救醮五帝斷殛儀



